

Bemba: Bible for Galatians

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

- Share — copy and redistribute the material in any medium or format.
- Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.


Under the following conditions:

- Attribution — You must attribute the work as follows: "Original work available at <https://BibleInEveryLanguage.org>." Attribution statements in derivative works should not in any way suggest that we endorse you or your use of this work.
- ShareAlike — If you remix, transform, or build upon the material, you must distribute your contributions under the same license as the original.
- No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Galatians

Chapter 1

¹ Paulo umutumwa - Ushaitwa nangu ukutumwa no muntu, leloni Yesu Kristu na Lesa wishi, umushishe ku bafwa- ² kabili nabwananyina bonse abo tuli nabo, pamo na ine wine twamulembela mwenkuta sha mu Galatia: ³ Ukusenaminwa no mutende wakwe Lesa shifwe ne mfumu Yesu Kristu fileba naimwe, ⁴ Kristu aliipeela ilambo pamulandu wa fyabufifyesu, epakuti atulubule ku bubifi bwa muli cino calo, acita ifyo pantu efyo Lesa shifwe alefwaya. ⁵ Lesa nalelumbwa umuyayaya. Amen. ⁶ Kwena namusungusha pa nshitafye inono namusangikila Lesa uwamwitile pa mulandu wa cikuula cakwa Kristu. Mwapokelele ne mbila imbi, ⁷ Awe kwena takwaba mbila nsuma na imbil, nicofye kuli abantu bamo abalemufulunganya kabili balefwaya no kwalula imbila nsuma yakwa Kristu no kuilosha mumbi. ⁸ Lelo cibe nifwe nangu nimalaika nkufuma ku mulu ngu aisa bila imila iyapusana ne mbila nsuma twabilile kuli imwe, ena uyo alapishiwe. ⁹ Twalimwebele kabela, nomba bakabili nabwekeshapo, "nga cakuti kwaba umuntu uwalanila imila iyapusana neyo mwasuminamo, ena uyo alapishiwe." ¹⁰ Bushe pakulanda ifi, ndefwaya ukuti abantu bansuminishe atemwa Lesa? Ngacakuti ndefwaya ukusekesha abantu ninshi nshilimubomfi wakwa Kristu. ¹¹ Mwebamunyanane, ico ine ndefwaya ukuti mwishibe niki, icakuti imbila nsuma mbila tayafuma ku bantu. ¹² Nshaipokelela ukufuma ku muntu nelyo umo, nangu ukufundwa ku muntu nelyo umo. Ni Yesu Kristu ¹³ Mwalyumfwa ifya pa bumi bwandi ilyo nalekonka imipepele ya ciyunda, nacushishe nganshi ulukuta lwakwa Lesa kabili nokufwaya ukulonaula. ¹⁴ Nalicinsile ukucila aba Yuda banandi abengi aba nkulo yandi, mukunkonka imipepele ya ciyunda. Kabili nalibacilile bonse ukukonka ifishilano fya fikolwe fyesu. ¹⁵ Lelo Lesa, ku cikuuku cakwe ansalile ninshi nshilafyalwa, anjatile mukusemina ukba umubomfi wakwe, ¹⁶ umwine wine ewantemenwe no kunsokolwela mwane, epakuti mone no kubila imbila nsuma yakwe ku benafyalo, pa nshita ilya, nshaile nangu ku muntu nelyo uo pakuti ampandeko amano. ¹⁷ Kabili nshaile nangu ni ku Yerusalemu kwine kukumona abatangilile ukuba aba abasole. Lelo, naile ku calo ca Arabia ilyo nafumineko, nabwelele ku Damasiko. ¹⁸ Panuma ya myaka itatu elyo naile ku Yerusalemu kukumonana na Kefa. Kabili naikele nankwe inshiku ikumi limona shisano. ¹⁹ Nshamonene abamutumwa bambi kanofye Yakobo, munyina wa mfumu. ²⁰ Ndemweba pamenso yakwe Lesa, ifi ndemulembela fyacishinka tefya bufi iyoo. ²¹ Elyo kabili naile ku calo ca Siria na Kilikia. ²² Inkuta sha mu Yudeya ishaba muli Kristu shena tashanjishibe no kumonana tatwamonanapo. ²³ Shale umfwafye ifyo baleshishimikila abati, "Umuntu ulya uwaletucusha, nomba eulebila imbila ya cisumonp iyo kale alefwaya ukonaula." ²⁴ Nabo epakulalumbanya Lesa pa mulandu wa ine.

Chapter 2

¹ Elyo panuma ya myaka ikumi na cine naile ku Yerusalemu na Barnabasi, twaile pamo na Tito. ² Nailile pa mulandu wa busokololo na ukuteyanya imbilisa nsuma iyo nshimikila ku bena fyalo. Nasosele mu bufinsolo kuli abo abalemoneka abacindama, pakishinkisha ukuti nshilebutuka - nangu nshibutwike - ibusha. ³ Lelo takwali nangu ni Tito, uwali ka ine uwali umu Greeki, uwapatikiwe ukusembululwa. ⁴ Ba munyina babufi balishile mu bumfisololo pa buntungwa twakwata muli Kristu Yesu. Batukumbilwe ukutupanga ubusha, ⁵ lelo tatwaipele kuli bene pali kalya kashita, pakutula icne ca malembo cakashale nnaimwe. ⁶ Lelo abo abalemoneka abacindama (fyonse ifyo balecita tafyali na mulabdu kuli ine, Lesa talanga umucisha cinani) - abo, ndesosa, abo abamoneke abacindami tababikile kantu kuli ine. ⁷ Ku kupusanako, bamwene ukuti nalipele amalembo kuli abo abashasembulwilwe, kwati fintu Petelo apele amalembo ku basembulwilwe. ⁸ Pantu Lesa uwalebomba muli Petelo mubutumwa kuli abo abasembulwilwe, nao abombe muli ine ku bena fyalo. ⁹ Ilyo Yokobo, Kefasi, na Yoane, abaishibikwe nga incenshi, bamwene ukusenaminwa kwapelwe kul ine, bapele ukuboko kwa kulyo ukwesenge kuli Barnabasi na kuli ine. Balisuminishe ukuti twingaya ku bena fyalo kabili twingaya ku basembululwa. ¹⁰ Balipwishe ukuti twingebukisha abapina bekafye, icintu ico nalefwaisha. ¹¹ Nomba ulo Kefasi aishile ku Antioke, nalimukenywe pa menso yakwe pamulandu wene abifishe. ¹² Ilyo umuntu umo talaisa ukufuma kuli Yokobo, Kefasi alelya na bena fyalo. Nomba ulo aba abantu baishile, alekela no kufuma ku bena fyalo. Ali no mwenso wa abo abalepamfya ukusembululwa. ¹³ Kabili aba Yuda abashelepo baibikile muli ubu bumumbi munda. Kabili na Barnabasi abepelwe pamo nna bena muli bumumbi munda. ¹⁴ Nomba ulo namwene ukuti imibele yabo tayalekonka icine ca malembo, natile kuli Kefasi ku ntanshi ya bonse, "Ngoli mu Yuda lelo wikala ngo mwina fyalo kabili nga ushili umu Yuda, cinshi mwingapatila kishisha abena fyalo ukwikala nga ba Yuda?" ¹⁵ Ifwe fwebene tuli ba Yuda mukufyalwa kabii tutuli bena fyalo ababembu; ¹⁶ nomba twalishiba ukuti takwaba umuntu uulungamikwa ku kubomba kwa malanga lelo ukupitila mu cicetekelo muli Kristu Yesu. Naifwe twalisumina muli Kristu Yesu pakutula twingalungamikawa ne cicetekelo muli Kristu kabili tekumilimo ya malango. Pantu ku milimo ya malango takuli umutunse uukalungamikwa. ¹⁷ Nomba, ulo tulefwaya ukulungamikwa muli Kristu, ifwe nakabila twasangilwe ababembu, ninshi kristu ni kapyunga wa lubembu? awe nakalya! ¹⁸ Pantu nga nakula filya ifintu naonauwile, ndeishininkisha ukuba npula mafunde. ¹⁹ Pantu ukupitila mu malango nafwile ku malango, pakutula ningekala uwa mweo. ²⁰ Natanikwe na Krsitu. Nshili umo uwamweo, nomba Kristu ekala muli ine. Ubumi njikala nomba mu mubili njikalila ku cicetekelo ca mwna mwaume wakwa Lesa, uwantemenwe kabili uwaipale umwine kuli ine. ²¹ Nshapatwileko ukusenaminwa kwakwa Lesa, pantu nga ubulungami bwanonkwa mu malango, ninshi Kristu afwile apafye!

Chapter 3

¹ Mwempellwa amano abena Galatia! Nani amulowa? Cali nipa menso yenu apo Yesu Kristu ba mulangishe bwino ukutanikwa. ² Ifi efyo ndefwayafye epel ukusambilila kuli imwe: Bushe mwapokelele umupashi mumilimo yamalango nangu nimu kufumfwa icitetekelo? ³ Bushe muli impelwa amano? Mwayambile no mupashi, bushe mwlalekelesha no mubili? ⁴ Bushe mwaculile fyonse ibusha - cine fyali libusha? ⁵ Bushe uumupe;a umupashi no kubomba ifisungusho muli imwe abombela mu malango, nangu mukumfwa ne cetetekelo? ⁶ Ngefyo Abrahamu, "Acetekele Lesa kaili cali ngilwe kuli ena ngo bulungami," ⁷ mumusango umo wine, cmumfwikishe lyena, ati abacitetekelo ebana bakwa Abrahamu. ⁸ Ilembo ukumwena libela ukuti Lesa akalungika abena fyalo mucitetekelo, lya shimikile imbila libela kuli Abrahamu, lyatile, "Muli iwe shonse inko shikapalwa." ⁹ Eico nomba, aba citetekelo ba palilwa pamo na Abrahamu, umuntu wacitetekelo. ¹⁰ Abo bonse abashintilila pamilimo yama lango baba mu citipo; ifyo fine efyo calembwa, "Alitipwa uyo onse uushikalilila muli fyonse ifya lembwa mucitabo camalango, nokuya cita." ¹¹ Nomba caliba pabwelu ukutila takuli nangula numo uwalungamishiwa kuli Lesa ukupitila munalango, pantu "abalungama bakekalila mucitetekelo." ¹² Lelo ifunde telyamu citetekelo, nomba, umuntu uubomba namafunde afwile ukwikala muli yena." ¹³ Kristu atulubwile ku citipu camalango mukaba ena itipu lyesu - pantu calembwa, "Alitipwa uyo batanika pa cimuti." - ¹⁴ Eico camapalo yakwa Abrahamu yafwile yaisa kubena fyalo muli Kristu Yesu, pskutula mu citetekelo tukapoke icalailwe ica mupashi. ¹⁵ Bamunyinane, lekeni inande munli bumuntunse. Nga umuntu basuminishanya mumibombele ukubomya amalango, takuli iwinga fumyapo nangula ukulundapo kuli yena. ¹⁶ Nomba icilayo ca soselwe kuli Abrahamu naku lupwa lwakwe. Tacilanda ati, "Naku ndupwa shakwe," ukupalanya kubengi, lelo nikuli lumo, "naku lupwa lwakwe, "uyo ni Kristu. ¹⁷ Nomba ifyo ndelanda nifi: Amalango, ayaishile mummyaka 430 panuma, tayafuyapo icilayo ica pampamikwe kale na Lesa, ukonaula ubulayo. ¹⁸ Pantu ubupyani ngabwiisa namalango, lyena dninshi teti bwisec namalango. Lelo Lesa ayepete kuli Abrahamu mubulayo. ¹⁹ Nga, kanshi cinshi lyabeleleko amalango? Ya lundi lweko pamula wabumpula mafunde ukufika na kuluko lwakwa Abrahamu ukwisa iklyo ubulayo bwa pangilwe. Amalango lyasontelwe ukupitila muli ba malaika ukubomfya iminwe yakwa kawikishanya. ²⁰ Lelo kawikishanya alanda pabantu ukucila pali umo, lelo Lesa umo. ²¹ Bushe amalango yapikana namalango yakwa Lesa? Awe nakalya! Nga amalango yapela ubumi lyena ubulungami nga cinecine bwaishile ukupitila munalango. ²² Lelo ilembo lyaisalila fyonse mulubembu. Lesa acitile ifi pakui ubulayo bwakutupususha ukupitila mu citetekelo muli Yesu Kristu yapelwe kuli abo aba cetekela. ²³ Nomba ilyo icitetekelo tacilaisa, twaiketwe bonkole mumalango, twaikakilwe mpaka icitetekelo cikasokololwe. ²⁴ Eico amalango yali nikatungulula mpaka nokwisa kwakwa Yesu, pakuti twalungamishiwa mu citetekelo. ²⁵ Nomba apo icitetekelo calisa, tatuli nomba muminwe yakunkatungulula. ²⁶ Pantu bonse muli banabaume bakwa Lesa ukupitila mu citetekelo muli Kristu Yesu. ²⁷ Pantu imwe bonse mwe ba batishiwe muli Kristu mwalifwala Kristu. ²⁸ Takuli umu Yuda nangu umwinafyalo, takuli umusha nangu umuntungwa, takuli umwaume nangu umwanakashi, pantu bonse cimocine muli Kristu Yesu. ²⁹ Kanshi ngangu bakwa Kristu, muli lubuto lwaka Abrahamu, kabili muli impyani ukukonka ne cilayo.

Chapter 4

¹ Ico ndesoso ati impyani, umwana wakupyana wishi ilyo acili umwaice, nangu kweni e mwine wa fyuma fyonse, abafye ngo umubomfi. ² Ali nokumfwila abalemusunga na baleyangalila ifyuma fyakwe mpaka inshita wishi apima ikafike. ³ E cimo cine na ifwe. Ilyo twali nga baice mukwishiba Lesa naifwe twaticelwe ubusha ne mipashi yapamo isonde. ⁴ Ilyo inshita Lesa apimine yafikile, elyo atumine mwane, aishile fyalwa ku mwanakshi, nao alekonka amafunde. ⁵ Aishile kukulubula abo abateekelwe na mafunde, pakuti na ifwe ukuba abana bakwa Lesa. ⁶ Pakulanga ukuti muli bana bakwe, Lesa alitutumina mu mutima yesu mupashi wamwana wakwe, uyu mupashi eubilikisha ati, "Abba, Tata." Kanshi nombamba tamuli ibasha lelo abana, kabili ngamuli bana, ⁷ kanshi muli bana tamuli mpyani, kabili abana, ngaumwa ninshi ulumpyani ukupitila muli Lesa. ⁸ Lelo pali ilya nshita ilyo mutaishibe Lesa, mwalifye abasha bafintu mu maka yafiko ifishili milungu. ⁹ Nombamba mwaisa mukwishiba Lesa nangula line mwalishikwa kuli Lesa, cinshi ico mulebwelela ku banake kabili nokonka utumulungu tumbi: Bushe mulefwaya mulekwe ubusha nakabili? ¹⁰ Mulacindikapo inshiku shimo, imyenshi imo, inshita shimp, kabili nemyaka! ¹¹ Awe ndi uwasakamana pali imwe ukuti nalimo naicushishefye pakumubombela. ¹² Mwe bamunyanane, ndemjapata mube ngefyo ine naba, pantu ine nalyalwike naba ngefyo imwe mwaba. Imwe yamwandufyenye nefyo cimo. ¹³ Kabili mwalishiba ukuti nipamulandu wabulwele bwamuli mbilila imbila nsuma kuli imwe umuku wakabalilapo. ¹⁴ Nangu cali ica mukosela pa mulandu wa bulwele bwandi awe tamwansulile nangu ukuntalukako. Lelo kabili mwampokelefyenye ngefyo mwingapokelela malaika wakwa Lesa. Mwampokelelefyenye kwati ni Kristu Yesu umwine. ¹⁵ mwasansamwike nganshi. Nga npmba insansa shenu shili kwi? Ine ndesosa nga kambone wenu ukuti, acilacitika, pa nshita ilya nga mwalilobwele amenso yenu mwe bene, amumpeela. ¹⁶ Bushe pakumweba ici shinika, epo ningabela umulwani wenu? ¹⁷ Abo bantu balelanga umunusakamana nganshi, lelo ifyo balefwaya ukucita fibi. Ico balefwaya kumupatula kuli ine, pakuti ebo muposeko amano, mulebakonka. ¹⁸ Cintu icisuma ukulanga ukusakamana abantu, kumfwa nga ni pa cintu icisum. Ici cena cacishinka lyonsefye, temukuti kanofye ilyo ndi na imwe. ¹⁹ Mwe bana bandi! Nakabili nimwe ndeculila ngo mwanakashi uukomenwe ne fumo. Ndecula pakuti mwaluke mukule mu mibeele uakwa Kristu. ²⁰ Ala kuti natemwa ukuba na imwe pali ino nshita. Lyena naishiba idyakumweba, pantu ine namumpesha amano. ²¹ Nje beni, abo pali imwe abafwaya ukuteekwa na mafunde, bushe tamwaumfwa ifyo aya amafunde ya sosa? ²² Pantu calembwa ukuti Abrahamu ali na bana abaume babili, umo nyina ali umusha kabili umbi nyina ali umuntungwa. ²³ Umwana uwafyelwe afyelwe ku mwakashi umusha, lelo umbi ena afyelwe ku mwanakshi umuntungwa ukupitila mubulayo. ²⁴ Ifi fintu fyonse fili nomo filolele pantu aba banakashi beminako ifipangano fibili. Cimo pali kici capa lipali lwa Sinai kabili afwele abana bamubusha. Uyu e Haga. ²⁵ Nombamba Haga aleimaninako ulupili lwa Sinai mu calo ca Arabia: Kabili apala ku musumba wine uyu uulipo uwa Yerusalemu, pantu musha pamo pene na bamwane. ²⁶ Lelo Yerusalemu wa mu mulu wena muntungwa, kabili e mayo. ²⁷ Pantu calembwa ukuti, "Sansamuka, we ng'umba iwe usshafyalapo bana; Punda kabili akwanga ne nsansa, iwe we ushatala aukomwa ne fumo, pantu alana aba mwanakashi uwalekeleshiwa bengi ukucila umwanakshi uwakwata umulume." ²⁸ Nombamba imwe bamunyanane, pamo nga Isaki imwe muli bana ba cilayo cakwa Lesa. ²⁹ Pa nshita ilya, umwana ulya wafyelwe nga filya fifyalwa abantu bonse, alecusha umwana uwafye ku maka yakkwa mupashi wakwa Lesa. Kanshi ifyo fine efilecitika na nombamba. ³⁰ Bushe amalembo yamushilo yatila shani? "Tamfya umwanakashi imusha pamo no mwana wakwe. Pantu umwana wamwanakashi umusha takabe impyani pamo nomwana wamwanakshi umuntungwa. ³¹ Kanshi mwe bamunyanane ifwe tatuli bana bamwanakashi umusha, lelo tuli bana bamwanakshi umuntungwa.

Chapter 5

¹ Mubuntunga Kristu alitulubwile ukuba abatungwa. Iminine aba shipa,eico mwiba nakabili abatuungululwa kwikoli lya busha. ² Lolesheni, ine, Paulo, ndesosa kuli imwe ukuti nga imwe mwebene mwba abasembululwa, Kristu takakwatemo nelyo cimo muli imwe ³ Ine ndebwekesha ukusosa kuli cila muntu uyo uukesosa umwine ati afwile ukusembululwa eshibe ukuti alingile ukusunga amalango yonse. ⁴ Imwe mwaliputulwa ukufuma kuli Kristu, imwe mwebalungamikilwa ku malango; imwe tamwakakwateko ulubali ku luse. ⁵ Patnu ukupitila mu mupashi, mu citetekelo, emo ifwe tulelolela isubilo lya bulungami. ⁶ Muli Yesu Kristu nangu ukusembululwa nangula ukukana sembululwa tacaba cintu, lelo citetekelo fye icibomba mu kutemwa. ⁷ Mwalebutuka bwino. Ninani uwamifumishe mukumfwila ifya cine? ⁸ Ukakukoselesha takwishile ukufuma kawa mwitile! ⁹ icitutumushi cinono cilenga umufuba onse ukwima. ¹⁰ Ine ninkwata icitetetekelomuli shikulu ukuti tamwakatontokanye nelyo cimo icaibela. Onse uulemifulunganya ali nokupingulwa, uuli fye onse. ¹¹ Mwabamunyanane, nga ine ncili ndebilisha ulwa kusembululwa, cinshi ico inebacili balempakashila? Muli uyo mulandu icilibwe cauipinunako ico ica musalaba califuunishiwapo. ¹² Nga kuli abo abalenicilinganya imwe, ine kuti cawama bailungwila fye abene! ¹³ Pantu imwe mwaitilwe ku bantungwa, mwebamunyina. Lelo mwileka ubutungwa bwenu bube icakumitungulula ku kuli bumubili; lelo ukuptila mukutemwa mupyangilane umo na umo. ¹⁴ Pakuti amalango yonse yafikilisha mu cebo cimo; "ufwile ukutemwa umunobe nga fintu waitemwa we mwine." ¹⁵ Lelo nga cakuti mwala sumana no kuyonaula umo na munankwe, cengeleni pantu limbi kuti mwayonaula bonse. ¹⁶ Lelo ndesosa ati, endeleni mu mupashi elyo imwe tamwakalecita ukufwaya kwa bumubili. ¹⁷ Pantu ififwaya umubili filapinkana no mupashi, elyo ifi fwaya umupashi filapinkana no mubili pantu ifi filalwishanya cimo ne cinankwe, pakuti mwicita ifintu ifyo mulefwaya. ¹⁸ Lelo nga mwatungululwa no mupashi, tamuli bamalango. ¹⁹ Nomba imilimo ya mubili yalishibikwa: Ubulalelale, ukukowela, imibele yansoni, ²⁰ ukupepa utulubi, ubuloshi, ukupatana, ifikansa, ubufuba, icipyu, ulubuli, akapatulula, ²¹ umufimbila, bucakolwa, iciwowo, nafimbi ifyamusango uyu, ndemusoka, nga fintu na musokele pakubala, nasosele ati abalecita ifyamusango uyo tabakengile mubufuma bwa kwa Lesa. ²² Lelo ifisabo fya mupashi ku temwa, insansa, umutende, ukutekanya, inkumbu, ubusuma, ictetekelo, ²³ ukufuka, umutembo, ukuiteka, nokuisuunga; kufyaba nga ifi takwaba ifunde. ²⁴ Abo ababa muli Kristu Yesu bali tanika umubili pamo noluunkumbwa ne mifwaile yabuko. ²⁵ Nga twaokalila mu mupashi, lekeni tulendela mu mupashi. ²⁶ Lekenifwe twiba abayumfwa, abakalifyanya umo no munankwe, abalwambo umo no munankwe.

Chapter 6

¹ Mwe bamunyanane, nga cakuti umo asangwa mukuluba, imwe mwebabumupashi mufwele ukumubweshwa mu mupashi wa mutende. Beni abaibaka pakuti mwitunkwa. ² Sendelaneni ifisendo umo ni mubiye, ne co kufikilisha amalango yakwa Kristu. ³ Ngacakuti umo aletontonkanya ukubapo fimo ilyo yali nangu cimo, aleicepafye umwine. ⁴ Cila umo afwile abebeta imiimo yakwe, no mulandu wakuitakisha kwakwe kukaba mu mwinenefye eka kabili temuli onse iyoo. ⁵ Pantu cila umo akasenda icisendo cakwe. ⁶ Uulesambilisha icebo afwile ukwakanyako ifintu fyonse ifisuma kuli umo uufunda. ⁷ Mwibepekwa. Lesa teshentakwa, pantu conse ico umuntu abyala, ico eco kasombola. ⁸ Pantu uyo ubyala imbuto ku mubili, ukufuma ku mubili akasombolako ubonaushi. Lelo uyo uubyala umbuto ku mupashi, ukufuma ku mupashi akasombola umweo wamuyayaya. ⁹ Kanshi lekeni twinaka mukucitab icisuma, pantu panshita iya linga tukakwata ubusombishi, ngacakuti tatunenukile. ¹⁰ Eico kanshi, ilyo tukwete ishuko, natucite icisuma kabantu bonse, maka maka kulyabo aba mu ng'anda ya citetekelo. ¹¹ Moneni ifilembo ubukulu nalemba kuli imwe ne minwe yandi. ¹² Abo abalefwaya ukuilanga ubusuma kumubili bakeesha uku mupatikisha ukusembululwa. Bacita ici paku leuka ukupakaswa pa mulandu no musallaba wakwa Kristu. ¹³ Pantu takwabapo nangu nyabo aba sembululwa bene abasunga amalango, lelo balefwaya imwe musembululwe pakuti baleitakisha mu buntunse bwenu. ¹⁴ Lelo nshifwile ukuitakisha kano mu lupanda lwakwa shikulu Yesu Kristu, umo icalo catanikilwa kuli ine na ine ku calo. ¹⁵ Pantu takuli ukusembululwa ukupendwa icili conse nangu ku kaana sembululwa, lelo icipandwa cibumbwa cipya. ¹⁶ Kulya bo bonse abendela umwabela icebo, umutende no luse fibe pali bene, napali Israeli wakwa Lesa. ¹⁷ Ukufuma nomba takuli wakuncusha, pantu nalisenda pamubili wandi ifibala fyakwa Yesu. ¹⁸ Ukusenamina kwa kwashikulu Yesu Kristu kube no mupashi wenu, bamunyanane. Ameni.